

Universitätsbibliothek Paderborn

**Westphalia Sancta, Beata Et Pia, Sive Vitæ Eorum Qui sua
sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Adelheidis Monasterii Westphaliae ad S. Aegidium prima Abbatissa

urn:nbn:de:hbz:466:1-28481

B. ADELHEIDIS
Monasterii Westphalorum

ad S. Ægidium prima Abbatissa.

Refertur cum titulo Beatae à Chrys. Henriquez & Bucelino in Menologiis Cisterc. & Benedictin. ad diem stam Februarii. Vita ejus desumpta est ex iisdem, & ex Cæsar. Heisterb. l. 9. hist. memor. c. 40. Non videtur tamen fuisse Monialis, quia cœnobium Ægidianum uti & Transaquense initio Virginum Canonicarum collegia fuerunt: Ad regulam verò S. Benedicti traducta sunt ab Episcopis Ioanne Bavarо & Henrico Schuwartzenburgico, quorum ille Virgines Transaquenses anno 1459; hic verò Ægidianas anno 1468 ad arctiorem vivendi formam restrinxit intra claustrum, uti videre est apud Schaten to. 2. Annal. Paderb. pag. 681 & 701.

Primum in hoc hortulo florem accipe florentissima Westphaliæ civitas Monasterium: Adelheidem tibi sistimus inquilinam olim tuam. atque ad S. Ægidium primā Abbatissam. De ejus natali solo ac stemmate tametsi haec tenus nihil certi comperire liceat: est tamen veritati proximum, natione Westphalam, atq;

A

è Co-

Westphalia sancta,

è Comitibus vel Tecklenburgicis vel Ritterbergensibus aliáve familia simili prognatam esse; cùm ex vetustis quibusdam ejus loci monumentis constet, quòd è primis Abbatissis quatuor [a] ab his originem & natales suos duxerint. Patrem in rebus spiritualibus directorem habuit D. Florentium postea Abbatem in Marienfeldt, quo in loco tunc adhuc recenter condito religiosus fervor sub nova Cisterciensium reformatione plurimùm emicabat. Ab hoc salutaribus monitis & commentationibus sacris ita instituta est, ut subiectas sibi Virgines magis exemplo & sanctitate suorum operum, quām oris vocisq; imperio ad Deo serviendum duceret. Præter miracula varia & cœlestium visionum gratiam spectabatur in ea eximia morum integritas, virginalis candor, ardens in Deum charitas, & promovendæ in rebus sacris disciplinæ zelus inextinctus. Erga sanctissimum Altaris & Eucharistie Sacramentum miro ferebatur affectu animi: cùmque alias à multa abstinentia laboribúsq; aliis faciem præ se ferret omnino pallidam & macilentam, tamèn quotiescunque ad sacras hæc epulas sumendas accederet, tantas repente flamas ignemque duse-

[a] Ex Relat. inde p̄tita.

ducebat in facie , ut ea ab internis ardoribus tota videretur accendi. Neque tunc saporem ac soliditatem panis sentiebat in ore sue ; sed ipsum sacramentum quasi favus mellis tanta suavitate ab ejus lingua in ventrem defluebat , ut ab eo gustu interiora omnia supernis deliciis innatarent. Quam singularem gratiam D. Florentius Abbas post ejus mortem omnibus, qui ad sepulturam confluxerant , inter cæteras animi beati dotes ponderosa oratione deprædicavit. Plura quæ de ejus vita adduci hoc loco mererentur , inter illas Anabaptistarum Monasterii grassantiū furias nobis adeò subtraxit pejor ætas , ut neque tam beati obitūs , neque fundati Parthenonis annum reperire ibidem liceat. Indubium tamen est , anno circiter 1200 , & neque priùs multò, neque posteriùs exstructum esse. Non priùs, quia cœnobii Matienfeldensis fundatio incidit in annum 1155, primusque ibidem Abbas non Florentius sed Egghardtus fuit à Nicolao Abate Hardehusano illuc transmissus. Non etiam multò posteriùs , quia Adelheidis jam anno 1222 in thalamum immortalis gloriæ à cœlesti sponso introducta fuerat, cùm de ejus obitu ac sepultura scribat Cæsarius Histerbacensis in libris histor. memorab. quos

Westphalia sancta,
anno 1222 ab eo conscriptos esse liquet tum
ex ejus vita ibidem apposita, tum ex l. 10. c. 48.
Memoria B. hujus Abbatissæ agitur die 5^{ta}
Februarii, hoc est, eadem, quâ colitur S. Adel-
heidis Abbatissa Villicensis in Diœcesi Colo-
niensi.

ADOLPHUS

Comes de Altena, postea Religiosus Cisterciensis
Aldenberga in Ducatu Montium.

Cum titulo Beati refertur à P. Theod. Rhay in
animab. illustr. Iul. Cliv. & Montium, ad
diem 10. Ibris. Agit etiam de eo Gasp. Ion-
gelin. in notit. Abbat. Ordin. Cisterc. in fun-
datione Veteris Montis. Gelen. in vita S.
Engelberti. Nordhoff. & alii.

Quam felicia sœcula, quæ Adolphum Co-
mitem à deliciis terrestris aulæ ad vitæ
sanctoris auspicia in cœnobium pertraxere?
Ditionem hic suam obtinebat in Marchia
Westphalica, sedem verò gentilitiam in ca-
stro Altena, olim à primis Comitibus ita nun-
cupato, quod sub ejus initia Ottone III. Im-
peratore cœpta, Comes Arenbergicus mu-
nimentum hoc [a] justo propius (All zu na-
he) ad suos fines accedere missâ legatione
con-

[a] Northoff in Chron. Comitum de Marck.